

ITEM LEONIS PAPAE AD PULCHERIAM AUGUSTAM, CONTRA EUNDEM
SECUNDAM EPHESIANAM SYNODUM, UT EIUS ERRORES IN ALIO SYN-
ODO RETRACTARENTUR

LEO EPISCOPUS ET SANCTA SYNODUS, QUAE IN URBE Roma convenit,
5 Pulcheriae Augustae.

Si epistolae, quae in fidei causa ad pietatem vestram directe sunt, per nostros
clericos pervenissent, certum est remedium vos his rebus, quae contra fidem facte
sunt, aspirante vobis domino praestare potuisse. Quando enim sacerdotibus,
quando Christianae religioni aut fidei defuistis? Sed cum ad mansuetudinem
10 vestram adeo non potuerint pervenire, qui missi sunt, ut ad nos vix unus eorum
Illarus diaconus noster fugiens sit reversus, iteranda scripta credidimus, et ut
validiores praeces nostrae esse mereantur, ipsorum scriptorum, quae ad clemen-
tiam vestram non pervenerunt, exempla subiecimus amplioribus vos obtestationi-
bus obsecrantes, ut quanto acerbiores sunt facta, quibus pro fide regia vos conve-
15 nit contraire, tanto maiore gloria curam eius, in qua excellitis, religionis habeat-
tis, ne catholicae fidei integritas ulla humanarum concertationum occasione
violetur. Quae enim congregata apud Ephesum synodo sopienda et sananda pa-
cis remedio credebantur, haec non solum in maiora pacis dispendia, sed, quod
nimis dolendum est, etiam ipsius fidei, qua Christiani sumus, excidia processer-
20 unt. Et hi quidem, qui missi sunt, quorum quidem unus vim Alexandrini episcopi
sibi omnia vindicantis effugiens rerum gestarum nobis ordinem fideliter nuntiavit,
reclamaverunt in synodo, sicut oportuit, unius hominis non tam iudicio quam
furori, protestantes ea, quae per vim metumque gererentur, sacramentis ecclesiae
et ipsi symbolo ab apostolis instituto praeiudicare non posse, neque se ab ea fide
25 ulla iniuria separandos, quam plenissime expositam atque digestam a sede beati
apostoli Petri ad sanctam synodum detulissent, cumque recitatio poscentibus
episcopis non sit admissa, ut scilicet remota ea fide, quae patriarchas, prophetas,
apostolos, et martyres coronavit, generatio Iesu Christi domini nostri secundum
carnem et vere mortis ac resurrectionis eius confessio, quod orremus dicere,
30 solveretur. Scripsimus de hac re, ut potuimus, ad gloriosissimum principem et,
quod est maximum, Christianum, cuius epistolae pariter exemplar subiecimus, ut
fidem, in qua renatus per Dei gratiam regnat, nulla sineret novitate corrumpi,
quoniam Flavianus episcopus in nostra omnium communione persistit, atque hoc,
quod factum est, sine consideratione iustitiae et contra omnem canonum discipli-
35 nam, ratum haberi ratio nulla permittit, et quia dissensionis scandalum non ab-
stulisset Ephesi synodus, sed auxisset, de habendo intra Italiam concilio et locus
constitueretur et tempus omnibus quaerelis et praeiudiciis partis utriusque sus-
pensis, quo diligentius universa, quae offensionem generaverant, retractentur, et
absque vulnere fidei absque religionis infamia in pacem Christi redeant, qui per
40 inpotentiam subscribere coacti sunt sacerdotes, et soli auferantur errores. Quod
obtinere mereamur, probatissimae nobis fidei veritatem pietas tua, quae labores
ecclesiae semper adiuvit, supplicationem nostram apud clementissimum princi-
pem sive specialiter a beatissimo Petro apostolo legationem commissum, di-
gnetur asserere, ut priusquam civile hoc exitiale bellum intra ecclesiam convale-
45 scat, reintegrande unitatis copiam Deo auxiliante concedat, sciens imperii sui
viribus profuturum quidquid catholicae libertatis benigna ipsius fuerit disposi-
tione conlatum.

16 concertationum] sic 40 subscribere] -bere over erasure 39-40 Quod ... tua] read Quod ut obtinere
mereamur, probatissimae nobis fidei pietas tua...

Data III Idus Octobris, Asterio et Protegene vv. cc. cons., aera qua supra.